

## Saksprotokoll i fylkestinget - 06. og 07.03.2018

Leiar av system og utvikling i eigedomsavdelinga Merethe Mæland presenterte PS 12/18 «Nytt fylkeshus – kontorkonsept og lokalisering».

**Tom Sverre Tomren, MDG**, sette fram slikt forslag:

«Alternativt punkt 1

Fylkestinget vedtek eit kombinert kontorkonsept tilpassa den enkelte arbeidstakar sine arbeidsoppgåver og behov.»

### Røysting

Tomren sitt forslag fekk 5 røyster (MDG, 1SV, R) og fall.

Innstillinga punkt 1 vart vedteke mot 5 røyster (MDG, 1SV, R).

Innstillinga punkt 2-4 vart samrøystes vedteke.

### Vedtak

1. Fylkestinget vedtek eit aktivitetsbasert kontorkonsept for nytt fylkeshus, med føresetnader, som anbefalt i rapporten «Rapport om utvikling av kontorløysing for nytt fylkeshus», gitt av prosjektgruppa og styringsgruppa.
2. Fylkestinget vedtek at dagens fylkeshus i Agnes Mowinckels gate 5 skal vere framtidig lokalisering av fylkesadministrasjonen og politisk leiing i fylkeskommunen. Rådmannen bes komma attende til sak om finansiering og eigarskap av fylkeshuset i juni 2018.
3. Fylkestinget ber rådmannen setje i verk arbeidet med å finne aktuelle midlertidige lokalar for ein rehabiliteringsperiode. Hovudprinsippa for søk etter midlertidige lokalar er sentrumsnær plassering, god kollektivdekning, akseptabel leigepris, god nok kvalitet på lokala og i størst muleg grad samla administrasjon. Aktuelle leigeavtaler blir framlagt for fylkestinget til godkjenning.
4. Fylkesrådmannen får i oppdrag å programmere eit nytt fylkeshus i Agnes Mowinckels gate 5, i tråd med reguleringsplanen frå Bergen kommune og behov til brukarane. Programmering blir framlagt for fylkestinget til godkjenning.